

## UGOVOR

**o nabavci usluga provođenja obuke za interni audit sistema kvaliteta ( prema standardima ISO 19011 : 2011 auditiranje sistema upravljanja ), kao i za pomoć pri provođenju internog audita, te u preostalim aktivnostimau vezi akreditacije Toksikološke laboratorije**

zaključen između:

**JU Zavod za medicinu rada Kantona Sarajevo,**

Sjedište: Bulevar Meše Selimovića 2,

koje zastupa: Mirsad Čabaravdić,

Identifikacijski broj: 4200298890007,

(u daljnjem tekstu: Naručilac)

i

**Institut za certificiranje sistema d.o.o. Sarajevo,**

Pijačna 116, 71 000 Sarajevo,

Koje zastupa Nedim Čaušević,

identifikacioni broj dobavljača - 4201790310004

transakcijski račun dobavljača - 3384402215239389

naziv banke dobavljača Unicredit bank

(u daljnjem tekstu: Dobavljač),

### PREDMET UGOVORA

#### Član 1.

Predmet ovog ugovora je nabavka **usluga provođenja obuke za interni audit sistema kvaliteta ( prema standardima ISO 19011 : 2011 auditiranje sistema upravljanja ), kao i za pomoć pri provođenju internog audita, te u preostalim aktivnostimau vezi akreditacije Toksikološke laboratorije,** dalje: usluge koje će Dobavljač dostaviti Naručiocu u skladu s odredbama ovog ugovora i sljedećim dokumentima koji čine sastavni dio ovog ugovora u obliku njegovih priloga i to:

- Ponudom / specifikacijom Dobavljača br. 655-QMS-SA – dalje: ponuda Dobavljača - (Prilog 1), (ugovorne strane podrazumijevaju da kompletna ponuda Dobavljača koja je dostavljena po predmetnoj nabavci sa svim dostavljenim dokumentima / aktima / dokazima / nacrtima / specifikacijama i dr. čini sastavni dio ugovora sa tim da se zbog obimnosti iste uz ugovor fizički vežu samo dokumenti iz ponude koji se odnose na osnovne komercijalne i tehničke elemente ugovora / nabavke), dostavljenom po broju JN 755-7-2-55/17.

### CIJENA

#### Član 2.

Cijena koju će Naručilac isplatiti Dobavljaču za usluge iz člana 1. Ugovora iznosi:

- Cijena bez PDV-a: 4.200,00 KM;
- Porez na dodanu vrijednost (PDV 17%) = 714,00/ KM;
- UKUPNA VRIJEDNOST / CIJENA sa PDV-om =4.914,00 KM (slovima: četirihiljadetstotinačetnaest 0/100 KM).

## **USLOVI I NAČIN PLAĆANJA**

### **Član 3.**

Plaćanje će se izvršiti u roku od 15 dana od dana zaprimanja računa za izvršene usluge. Plaćanje se obavlja na žiroračun Dobavljača. Naručilac ne prihvata avansno plaćanje i traženje sredstava osiguranja plaćanja. Ukupna plaćanja Dobavljaču bez PDV-a na temelju sklopljenog ugovora ne smiju prelaziti procijenjenu vrijednost nabavke.

Naručiočeva obaveza da isplati cijenu podrazumijeva poduzimanje mjera i udovoljavanje formalnostima predviđenim Ugovorom ili odgovarajućim zakonima i propisima da bi se omogućilo plaćanje.

Dobavljač je dužan izdati / sačiniti fakturu u skladu s odredbama pozitivnih propisa iz oblasti poreza, u suprotnom ista neće biti plaćena i bit će vraćena Dobavljaču na usklađivanje.

Uslovi plaćanja i drugi uslovi koje Dobavljač jednostrano unese u fakturu ne obavezuju kupca ni onda kada je fakturu primio, a nije joj prigovorio.

## **ROK IZVRŠENJA USLUGA**

### **Član 4.**

Rok izvršenja usluga iz člana 1. ovog ugovora je 30 dana računajući od datuma obostranog potpisivanja ovog ugovora.

Pod izvršenjem usluga se podrazumijevaju sve potrebne radnje koje je Dobavljač dužan obaviti, prema ugovoru i prirodi posla, da bi Naručilac mogao primiti izvršenje usluga.

Dobavljač je dužan izvršiti ugovorene usluge prema vrsti i kvaliteti predviđenim ugovorom te njegovim priložima. Dobavljač je dužan predati Naručiocu svu dokumentaciju koja se odnosi na izvršenje usluga.

Mjesto izvršenja usluga je Kanton Sarajevo, prostorije JU Zavoda za medicinu rada KS.

Naručilac se obavezuje isplatiti cijenu i primiti izvršenje usluga onako kako je predviđeno ovim ugovorom. Naručiočeva obaveza prijema ugovorenih usluga općenito se sastoji u obavljanju svih radnji koje se razumno od njega očekuju da bi omogućio Dobavljaču izvršiti usluge i u prijemu usluga.

## **NAČIN IZVRŠENJA USLUGA**

### **Član 5.**

Dobavljač je obavezan usluge iz člana 1. Ugovora izvršiti u roku, na način i pod uslovima određenim ponudom Dobavljača i odredbama ovog ugovora te pri tome postupati sa pažnjom dobrog privrednika, odnosno sa pažnjom dobrog stručnjaka, u suprotnom preuzima i snosi punu odgovornost, troškove i rizik.

U izvršenju usluga Dobavljač je dužan osigurati da iste u njegovo ime izvršavaju eksperti iz predmetne oblasti sa odgovarajućim nivoom znanja / vještina za konkretne poslove.

## **VIŠA SILA**

### **Član 6.**

Ako slučaj više sile spriječi, potpuno ili djelimično, izvršenje obaveza po ovom ugovoru, ugovorna strana zahvaćena slučajem više sile je obavezna da o nastanku slučaja više sile, o vrsti i o eventualnom trajanju više sile pismeno obavijesti drugu ugovornu stranu u roku od 3 dana od nastanka slučaja više sile. Ako se

blagovremeno ne javi nastupanje slučaja više sile, ugovorna strana koja je pogođena tom okolnošću ne može da se poziva na nju, izuzev ako sama ta okolnost ne sprečava slanje takvog obavještenja.

Pod višom silom, u smislu prethodnog stava, smatraju se spoljni i vanredni događaji koji nisu postojali u vrijeme potpisivanja ovog ugovora, koji su nastali mimo volje ugovornih strana, čije nastupanje i dještvo ugovorne strane nisu mogle spriječiti mjerama i sredstvima koja se mogu u konkretnoj situaciji opravdano tražiti i očekivati od strane koja je pogođena višom silom.

Kao slučajevi više sile smatraju se sljedeći događaji: rat i ratna dještva, pobuna, mobilizacija, štrajk u preduzećima ugovornih strana, epidemija, požar, eksplozije, saobraćajne i prirodne katastrofe, akti organa vlasti od uticaja na izvršenje obaveza i svi drugi događaji koje nadležni organ priznaje i proglašuje kao slučajeve više sile.

Za vrijeme trajanja više sile obaveze ugovornih strana po ovom ugovoru miruju, ne primjenjuju se odredbe Ugovora o ugovornoj kazni, sa tim da se rok za izvršenje obaveza ugovornih strana produžava za period koji odgovara trajanju slučaja više sile i razumni rok za otklanjanje posljedica više sile.

Ukoliko slučaj više sile bude trajao duže od 30 dana, ugovorne strane će se sporazumijeti o daljoj sudbini Ugovora. Ukoliko se ugovorne strane ne sporazumiju o sudbini ugovora, ugovorna strana kod koje nije nastupila viša sila ima pravo na raskid ugovora pošto o tome pismeno obavijesti drugu ugovornu stranu.

## **STUPANJE UGOVORA NA SNAGU**

### Član 7.

Ovaj ugovor stupa na snagu danom obostranog potpisivanja od strane ovlaštenih lica ugovornih strana. Svi rokovi u vezi s ovim ugovorom računaju se od dana stupanja ugovora na snagu, ukoliko posebnom odredbom nije ugovoren neki drugi datum kao početak toka roka.

## **PRIMJENA ZAKONA O OBLIGACIONIM ODNOSIMA**

### Član 8.

Ugovorne strane su saglasne sa primjenom odredbi Zakona o obligacionim odnosima i to u pogledu prava, obaveza i odnosa koji nisu regulisani odredbama ovog ugovora, a koji nastanu u vezi s i povodom izvršenja ovog ugovora.

## **RJEŠAVANJE SPOROVA**

### Član 11.

Sve eventualne sporove i nesporazume koji bi mogli nastati iz ovog ugovora ili povodom ovog ugovora, ugovorne strane će nastojati riješiti usaglašavanjem, posredovanjem ili na drugi miran način u duhu uzajamnog povjerenja i dobrih poslovnih običaja.

Ukoliko ugovorne strane ne postignu mirno rješenje eventualnog spora u smislu stava 1. ovog člana ugovara se nadležnost suda u Sarajevu, Bosna i Hercegovina, uz primjenu pozitivnog prava Bosne i Hercegovine.

## OSTALE ODREDBE

### Član 12.

Dobavljač nema pravo zapošljavati, u svrhu izvršenja ovog ugovora, fizička ili pravna lica koja su učestvovala u pripremi tenderske dokumentacije ili su bila u svojstvu člana ili stručnog lica koje je angažirala Komisija za nabavke, najmanje šest mjeseci po zaključenju ugovora, odnosno od početka realizacije ugovora.

### Član 13.

Izmjene i dopune ovog ugovora mogu se vršiti samo pismenim putem. Bit će punovažne i obavezivati će ugovorne strane samo one izmjene i dopune koje su sačinili sporazumno u pismenoj formi.

### Član 14.

Ovaj ugovor je sačinjen u 4 istovjetna primjerka od kojih svaka ugovorna strana zadržava po 2 primjerka.

Dobavljač:

Direktor  
Nedim Čaušević

Broj: 01-08-567-7/17

Datum: 30.06.2017.

Naručilac:

Direktor

Dr. sci. Mirsad Čabaravdić, dr. med.  
spec. med. rada

Broj: 01-08-567-7/17

Datum: 30.06.2017. godine

OBRAZAC ZA DOSTAVLJANJE PONUDE

Broj nabavke: 01-08-518-3-P/17

Broj obavještenja sa Portala JN: 755-7-2-558-5/17

UGOVORNI ORGAN : JU Zavod za medicinu rada Kantona Sarajevo  
Bulevar Meše Selimovića 2

PONUĐAČ (Upisuje se naziv ponuđača i ID broj ponuđača)  
INSTITUT ZA CERTIFICIRANJE SISTEMA d.o.o. ID 4201790310004

Adresa ponuđača  
PIJAČINA 116, 71000 SARAJEVO, BiH

KONTAKT OSOBA  
Ime i prezime SELMA ČAUŠEVIĆ  
Adresa PIJAČINA 116, SARAJEVO  
Telefon 033/831-550  
Faks 033/831-550  
E-mail selma.causevic@ics-norm.com

IZJAVA PONUĐAČA\*

\*Ukoliko ponudu dostavlja grupa ponuđača, onda Izjavu ponuđača popunjava predstavnik grupe ponuđača.

U postupku javne nabavke, koju ste pokrenuli i koji je objavljen na Portalu javnih nabavki, broj: 01-08-518-3-P/17 dana 26. 12. 2017. dostavljamo ponudu i izjavljujemo sljedeće:


1. U skladu sa sadržajem i zahtjevima tenderske dokumentacije br. 01-08-518-3-P/17 (broj nabavke koji je dao ugovorni organ), ovom izjavom prihvatamo njene odredbe u cijelosti, bez ikakvih rezervi ili ograničenja.

2. Ovom ponudom odgovaramo zahtjevima iz tenderske dokumentacije za isporuku roba usluga radova u skladu sa uslovima utvrđenim u tenderskoj dokumentaciji, kriterijima i utvrđenim rokovima, bez ikakvih rezervi ili ograničenja.

\* Ukoliko je predmet nabavke podijeljen na lotove, jasno naznačiti za koje lotove se dostavlja ponuda i to na sljedeći način, za svaki lot:

Lot br. ( ): Naziv robe (sa količinama, ukoliko je primjenjivo)/usluge/radova

3. Cijena naše ponude (bez PDV - a) je 4.200,00 KM  
Popust koji dajemo na cijenu ponude je - KM  
Cijena naše ponude, sa uključenim popustom je 4.200,00 KM  
PDV na cijenu ponude (sa uračunatim popustom) 714,00 KM  
Ukupna cijena za ugovor je 4.914,00 KM

  
7-9



OBRAZAC ZA CIJENU PONUDE – ROBE

Naziv dobavljača: INSTITUT ZA CERTIFICIRANJE SISTEMA d.o.o.

Ponuda br. 655-CMS-SA

Redni broj	Opis usluga	Količina (kom)	Jedinica mjere	Jedinična cijena bez PDV-a	Ukupna cijena po stavki bez PDV-a
1.	Obuka za interni audit	12	ČAS	130 KM	1.560,00 KM
2.	Priprema za ispit i provođenje ispita za interne auditore	4	ČAS	100 KM	400,00 KM
3.	Izdavanje certifikata za interne auditore koji su uspješno položili ispit	4	KOM	35 KM	140,00 KM
4.	Pomoć u provođenju korektivnih mjera sa internog audita, izradi izvještaja o rezultatima internog audita i ocjeni uprave	3	DAN	250 KM	750,00 KM
5.	Pomoć u pripremi za akreditaciju	3	DAN	350 KM	1.050,00 KM
Ukupna cijena bez PDV-a:					4.200,00 KM
Popust (ukoliko se daje):					—
Ukupna cijena sa popustom bez PDV-a					4.200,00 KM

USLOVI PLACANJA: 30 DANA NAKON DOSTAVLJANJA PREDMETNE UslugE I

Napomena: FAKTURI SARAJEVA.

1. Cijene moraju biti izražene u KM Za svaku stavku u ponudj mora se navesti cijena.

2. Cijena ponude se iskazuje bez PDV - a i sadrži sve naknade koje ugovorni organ treba platiti dobavljaču. Ugovorni organ ne smije imati nikakve dodatne troškove osim onih koji su navedeni u ovom obrascu.

3. U slučaju razlika između jediničnih cijena i ukupnog iznosa, ispravka će se izvršiti u skladu sa jediničnim cijenama.

4. Jedinična cijena stavke se ne smatra računskom greškom, odnosno ne može se ispravljati

5. Ovaj obrazac za cijenu ponude je jedna od mogućih opcija.

Potpis dobavljača:



9-9-16

